



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Ioannis Macherentini Societatis Iesv Theologi,  
Explanatio Catechismi Catholici**

**Macherentinus, Johannes**

**Colon., 1612**

Contra exitialem blasphemandi, maledicendi & iurandi consuetudinem.

**urn:nbn:de:hbz:466:1-39397**

GENERALIA QVÆDAM EXTIR-  
*pandorum vitiorum remedia.*

1. **F**requens cum fiducia oratio.
2. **F**requens confessio, & Eucharistiæ sumptio.
3. Fugere improborum, & sectari bonorum societatem.
4. Sacræ scripturæ & piorum librorum lectio.
5. Sacram concionem, ac Catechisticam institutionem minimè negligere.
6. Continuo Christi passionem meditari.
7. Considerare præsentiam diuinæ maiestatis & angelorum.
8. Considerare vitam sanctorum.
9. Considerare quam Deus peccatum oderit ex pœnis quibus peccatores attriuisse legitur.
10. Memorari nouissima.

X X X V I I I.  
CONTRA EXITIALEM ET TER-  
*execrandam blasphemandi, maledicendi, & in-*  
*randi consuetudinem remedia.*

- I. **N**on ferret æquo animo vir grauis, si ad  
*Hæc scitu- jun- per- necessaria.*  
 quafuis nugas, in testem vocaretur.  
 Hac enim in re meritò iudicaret sui honoris  
 non haberi rationem. Quanto æquius in-  
 digna-



dignatur Dominus Deus ob insignem, quæ ipsi irrogatur iniuriam, quando rem quamlibet, licet nullius momenti sancti, terribilis & adorandi nominis sui testificatione videt comprobari? Et multo vehementius, quando viuifica eius vulnera, & sacramenta, instrumenta nimirum salutis nostræ, blasphemantes, in interitus ac perditionis proximorum media peruertimus: & cū facultas vindicandi non suppetit, Deum inuocamus, qui immittendo pestilentiam, aliasue clades, proximos exterminet, & quod horrendum dictu, quod irati iniuste petimus, ipse beluina immanitatis nostræ sit veluti minister & executor.

In iurandi consuetudine præsens est per-  
iurij periculum: contingit enim non raro  
iuramento promittere, cuius postea poenitet. Qui blasphemant semper peccatum mortale committunt, nisi fortè præter intentionem ac per inconsiderationem excidat blasphemia, sæpissimè item qui alijs imprecantur: sicut scriptum est, *neque ebriosi, neque maledici regnum Dei possidebunt.* 1. Cor. 6.

Qui assuescunt iuramentis vulgo mendaces habentur, adeò vt ne iuratis quidem credatur: qui identidem blasphemant & maledicunt, hoc reportant lucri, vt veluti infanientium eorum iræ contemnantur: familiam, & omnes quibuscum agunt scandalizant. Chrysostr. Hom. 7. ad pop. Antioch.



dalizent; sitq; intolerabilius eis futurum, si suspendatur in collo eorum mola asinaria & demergantur in profundum maris.

4. *Leu 24.* Blasphemis, periuris & maledicis grauisima quæque interminatur Deus. Magistratibus vt puniat præcepit, sicut & ipse frequenter de illis seuerissimas pœnas exegit. Hac de re scripturæ, & historiæ multa commemorant.

5. *Hom. 5. ad Antioch.* Vis prauam consuetudinem meliori commutare. Audi D. Chrysof. consilium. Quoties in horum aliquot incideris, non tibi ignoscas: Exige pœnam certam, vt potè elemosynam, preculas aliquot, ieiunium, rei alioquin charæ aut iucundæ quamuis licitæ subtractionem, humiliationem, aut simile quid. Eadem erit ratio tibi, vxores, liberos, aut familiam ab impia consuetudine abducendi.

6. *Inff. Sacerd. De peccatorũ remedijs. Lect. 5.* Postremò meminisse expedit, cum qui annis aliquot mortalibus assuescit peccatis, nec vnquam seriò vitam meliorem meditatur, ne in paschate quidem absoluendum esse, nisi prius per hebdomadas ac menses aliquot, suæ emendationis spem probabilem dederit. Ita quidam grauissimi Doctores cum doctissimo Petro a Soto censuerunt: In his numeratur Reuerend. D. Ioan. Franciscus. Bonhomius Epif. Vercellenfis S. Apostolus nuncius cuius verba, ob summam vii auctori-



storitatem hic ascribere non grauabor. Cō-  
cubinarijs ( inquit ) atque etiam qui pessimū  
blasphemandi vsum plures annos re-  
tinuerunt, atq; emendare se nunquam stu-  
duerunt, ne vllō pacto absolutionē imper-  
tiatur ( confessarius ) etiam si illi iureiuran-  
do obstringere velint, se nunquam eiusmodi  
scelera amplius admissuros: sed ad aliquot  
dies, atque adeò menses pro vt morbi graui-  
tas exigere videbitur, absolutionem differat.  
Hucusque Vercellarum Episcopus.

Hæc Pastores, Concionatores ac Catechi-  
stæ, cum alias, tum præcipuè in prima qua-  
dragesimæ Dominica plebi, diligenter de-  
clarare operæ precium fuerit.

*In refor.  
Ecclesiast.  
c. de panit.*

## XXXIX.

## DE SS. EUCHARISTIA.

*Est nè diligenti opus præparatione communica-  
turo corpori & sanguini Domini no-  
stri Iesu Christi.*

**E**st vtique ex hoc enim vberrimo omni-  
um gratiarum ac diuinorum charisma-  
tum fonte, tantum quisque hauriet, quan-  
tum diuino munere, & suo studio paratus,  
capere poterit.

*Qui sunt huius sacramenti fructus?*

**V**arij illi sunt & pretiosi; Est enim panis  
Pp 3 ille